



Claude WISELER
President vun der
Chamber vun den Deputéierten
19, um Krautmaat
L-1728 Lëtzebuerg

Lëtzebuerg, den 22/01/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Bildung, Kanner a Jugend weiderzeleeden.

Wéi schonn a virege parlamentaresche Froen (n°2156 oder 3426) erkläert, verrechne vill profitorientéiert Crèchen a Foyeren den Elteren integral ee gewëssene Stonnesaz pro Woch fir d'Kannerbetreuing. Heibäi verrechnen d'Profitcrèchen systematesch maximal Forfalten, onofhängeg dovunner, ob d'Kanner d'Stonnen notzen oder net.

An engem rezente Beispill verrechent ee Foyer während der Woch vun der Chrëschtvakanz mat 2 Feierdeeg ee Forfait/Stonnesaz vu 60 Stonnen. Realistesche gesinn kéint d'Kand awer maximal 15 Stonnen den Dag an de Foyer goen, well d'Öffnungszäite vun deem Foyer maximal vun 5h00 bis 20h00 sinn.

An der Chrëschttagswoch kéint d'Kand theoretesch also just 3 ganzer Deeg (72 Stonnen) an d'Crèche goen. Bedeit also, dass d'Crèche sech d'Recht eraushëlt, fir den Eltere 60 Stonnen ze verrechnen, obwuel et logistesche Mol net méiglech ass, déi 60 Stonnen ze garantéieren

Duerch dëse Mechanismus hu vill Elteren an de leschte Jore missten an de Schoulvakansen eng kräfteg Schëpp Sue bäileeën, well d'gratis Kannerbetreuing hei net gëllt an d'Staatssubventioun da manner wéi 6€/Stonn bedréit. Verschidden Elteren, ma och de Staat, bezuelen esou iwwert d'Vakanz vill Sue fir näischt.

An deem Zesammenhang wëllt ech dem Minister dës Froe stellen:

1. Dierfen d'Crèchen ënnert dem aktuelle Gesetz och Stonnen während de Feierdeeg berechnen?
2. Dierfen d'Crèchen ënnert dem aktuelle Gesetz och Stonnen verrechnen, wann se zou sinn?



3. Aus dem uewe genannte Beispill: dierfen d'Betreiungsstrukturen ee Forfait vun 60 Stonne berechnen, och wann se theoretesch just 45 Stonne kéinten den Accueil garantéieren?

Mat déiwem Respekt,



GOERGEN Marc
Deputéierten





**Äntwert vum Minister fir Educatioun, Kanner a Jugend, Claude Meisch, op d'parlamentaresch Fro
Nr. 3523 vum honorabelen Deputéierte Marc Goergen**

- 1. Dierfen d'Crèchen ënnert dem aktuelle Gesetz och Stonnen während de Feierdeeg berechnen?**
- 2. Dierfen d'Crèchen ënnert dem aktuelle Gesetz och Stonnen verrechnen, wann se zou sinn?**
- 3. Aus dem uewe genannte Beispill: dierfen d'Betreiungsstrukturen ee Forfait vun 60 Stonne berechnen, och wann se theoretisch just 45 Stonne kéinten den Accueil garantéieren?**

Am aktuelle System ginn d'Modalitéiten tëscht dem Gestionnaire an den Elteren an engem Betreuungsvertrag individuell festgeluecht a sinn an der Praxis heterogen verbreet. Si enthalten zum Deel och d'Verrechnung vun Deeg, un deenen d'Struktur net op ass. Dëst ass ee vun den Haaptgrënn fir de Gesetzesprojet iwwert d'Reform vum System vum Chèques-service accueil, wéi e rezent vun der Regierung an der Chamber deposéiert gouf.

Am Kader vun deem Gesetzesprojet ass virgesinn, déi gesetzlech festgeluechte Modalitéite vun der Facturatioun ze verdéiwen an ze präziséieren, fir eng méi kloer, transparent an eenheetlech Applikatioun ze garantéieren. Eng vun dëse Modalitéite gesäit explizitt vir, datt keng Facturatioun dierf stattfannen, wann d'Struktur net op ass.

Zousätzlech gesäit de Gesetzesprojet vir, datt d'Familljen eng Offer wíelen, déi a maximal 2-Stonne-Bléck opgedeelt ass, soudatt eng Forfaitslogik duerch gesetzlech Dispositiounen net méi méiglech ass. An d'Facturatioun vu Supplémenten wäert och gesetzlech verbuede ginn.

Lëtzebuerg, de 24. Februar 2026

De Minister fir Educatioun,
Kanner a Jugend

(s.) Claude MEISCH